

# Dapli che in cudesch per onn

Uniun Rumantsch Grischun: Radunanza generala

DA GION NUTEGN STGIER / ANR

■ **Dapi l'onn 2008 è l'uniun danovamain activa e dapi lura ha ella tuttina edì 15 cudeschs. Er en l'avegnir vulesch l'uniun marcar preschientscha. Cun introducir intginas vischnancas puspè l'idiom sco linguatg da scola ha l'uniun pers intgins commembers.** Fundada era l'Uniun Rumantsch Grischun vegnida il 1987 a Cuira cun l'intent da promover la lingua unifitgada. L'emprima presidenta è stada *Rina Steier-Peduzzi* da Savognin, ella ch'è s'engaschada ferm per il rumantsch grischun (rg) en la fasa iniziala. Oravant tut sut il presidi da *Felix Giger* era l'uniun zunt activa ed ha er contribuìbler per l'introducziun dal rg en scola. En ils buns onns aveva l'uniun 250 commembers, ed oz en quai radund 70 commembers. Suenter che l'activitad da l'Uniun Rumantsch Grischun anteriura è vegnida sistida il 2004, dentant senza vegnir schliada, datti dapi il 2008 puspè l'uniun. President è dapi lura *Rino Darms* ed el è stà zunt activ cun edir ils davos otg onns blers cudeschs en rg.

## Plaschair da la scola bilingua da Domat

L'incumbensa principala da l'uniun è er suentar 29 onns anc adina la promoziun dal rg, dentant er dad edir adina puspè cudeschs, cunzunt cudeschs per giuvenils.

Dapi il 2008 ha l'uniun edì 15 cudeschs per giuvenils e quai è tuttina dapli che be in cudesch per onn. Ils cudeschs èn stimads, cunzunt er en las scolas superiuras, ed en spezial en quellas che han er oz il rg sco lingua rumantscha. Ils davos dus onns ha l'uniun edì quatter cudeschs ed il davos è stà «Omlettas e la battaglia da Lepanto» da *Claudia Cadruvi*. En quel scriva ella l'istorgia dal pli enconuscent enguladitsch en Lumnezia. L'ediziun dals cudeschs è stada pussaivla grazia a donaziuns da la confederaziun, dal chantun, da singulas instituziuns e da persunas privatas. Las persunas che statan al timun da l'uniun deploraschan bain che numerusas vischnancas han puspè introduci en scola l'idiom sco linguatg, acceptan però quellas decisziuns politicas. Plaschair ha Darms cunzunt

che la scola bilingua da Domat instruescha en rg e lura er che las scolas rumantschas da Surmeir èn vinavant fidaivlas al rg.

## Da preschent nagin project pli grond

Quest onn renunzia l'uniun a pli gronds projects, dentant duess l'uniun en il decurs da l'onn proxim danovamain edir in u plis cudeschs. «Globi en il Parc naziunal», quel cudesch è prevì dad edir en rg, però da preschent è anc pauc public. La situaziun finanziara da l'uniun lubescha da preschent er betg da far zaps pli gronds. Tuttina han ils preschents decidi da na dulzar la summa da las contribuziuns annualas per ils commembers. Quai è: 20 francs per persunas en scolaziun, 40 francs per persunas singulas, 60 francs per famiglias, 100 francs per donaturs e 150 francs per persunas giuridicas.

**Novs commembers èn bainvegnids. Annunzia: Uniun Rumantsch Grischun, Chascha postala, 7004 Cuira ubain sut l'adressa dad internet [www.rumantschgrischun.ch](http://www.rumantschgrischun.ch)**



**Rino Darms, il president da l'Uniun Rumantsch Grischun, a chaschun da la radunanza generala a Cuira.**